

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԵՐԵՎԱՆ ՔԱՂԱՔԻ ԱՎԱԳԱՆԻ

«-----» սեպտեմբերի 2013թ.

N-----Ա

ՈՐՈՇՈՒՄ

ԵՐԵՎԱՆ ՔԱՂԱՔԻ ԱՎԱԳԱՆՈՒ 2011 ԹՎԱԿԱՆԻ ՄԱՅԻՍԻ 6-Ի Հ. 232-Ա ՈՐՈՇՄԱՆ
ՄԵԶ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Իրավական ակտերի մասին» Հայաստանի Հանրապետության
օրենքի 70-րդ հոդվածի 2 -րդ մասի 1-ին կետով.

Երևան քաղաքի ավագանին որոշում է.

1. Երևան քաղաքի ավագանու 2011 թվականի մայիսի 6-ի <<Երևանի Փ.Բուզանդի
փողոցի թիվ 1/3 հասցեում գտնվող շենքից անհատույց օգտագործման իրավունքով
տարածքներ տրամադրելու մասին>> հ.232-Ա (այսուհետ՝ որոշում) որոշման մեջ
կատարել հետևյալ փոփոխությունները.

1) Որոշման 1-ին կետի 4-րդ ենթակետում <<2 տարի ժամկետով>> բառերը
փոխարինել <<մինչև 2015 թվականի սեպտեմբերի 30-ը>> բառերով:

2) Որոշման 1-ին կետի 5-րդ ենթակետում <<2 տարի ժամկետով>> բառերը
փոխարինել <<մինչև 2015 թվականի սեպտեմբերի 30-ը >> բառերով:

3) Որոշման 1-ին կետի 6-րդ ենթակետում <<2 տարի ժամկետով>> բառերը
փոխարինել <<մինչև 2015 թվականի սեպտեմբերի 30-ը >> բառերով:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ – ՀԻՄՆԱՎՈՐՈՒՄ

<< ԵՐԵՎԱՆ ՔԱՂԱՔԻ ԱՎԱԳԱՆՈՒ 2011 ԹՎԱԿԱՆԻ ՄԱՅԻՍԻ 6-Ի Հ. 232-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ>> ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ՎԵՐԱԲԵՐՅԱԼ

Երևան քաղաքի ավագանու 2011 թվականի մայիսի 6-ի հ.232-Ա որոշմամբ Երևան համայնքի սեփականությունը հանդիսացող Փ.Բուզանդի փողոցի թիվ 1/3 հասցեում գտնվող վարչական շենքում մի շարք սուբյեկտների՝ այդ թվում <<Ռոսիա>> հասարակական կազմակերպությանը, <<Հայաստանի ուկրաինացիների ֆեդերացիա>> հասարակական կազմակերպությանը և <<Հանրային կապերի և տեղեկատվության կենտրոն>> պետական ոչ առևտրային կազմակերպությանը տրամադրվել են տարածքներ անհատույց օգտագործման իրավունքով:

<<Ռոսիա>> հասարակական կազմակերպության օգտագործման իրավունքի ժամկետը լրացել է 17.06.2013թ, <<Հայաստանի ուկրաինացիների ֆեդերացիա>> հասարակական կազմակերպության օգտագործման իրավունքի ժամկետը լրացել է 02.07.2013թ, իսկ <<Հանրային կապերի և տեղեկատվության կենտրոն>> պետական ոչ առևտրային կազմակերպության օգտագործման իրավունքի ժամկետը լրացել է 14.06.2013թ:

<<Ռոսիա>> հասարակական կազմակերպությունը դիմել է Երևանի քաղաքապետարան՝ Երևանի Փ.Բուզանդի փողոցի հ.1/3 հասցեում գտնվող շենքի 4-րդ հարկի 36.9քմ մակերեսով տարածքի անհատույց օգտագործման իրավունքի ժամկետի երկարացման համար: Հաշվի առնելով <<Ռոսիա>> հասարակական կազմակերպության ներդրումը Հայ և Ռուս ժողովուրդների բարեկամական կապերի զարգացման գործընթացում, բնակչության սոցիալական, բժշկական, հոգեբանական, մշակութային և կրթական կյանքում՝ առաջարկվում է տարածքի անհատույց օգտագործման իրավունքի ժամկետը երկարացնել ևս 2 տարի ժամկետով:

<<Հայաստանի ուկրաինացիների ֆեդերացիա>> հասարակական կազմակերպությունը ևս դիմել է Երևանի քաղաքապետարան՝ անհատույց օգտագործման ժամկետի երկարացման խնդրանքով: Հաշվի առնելով կազմակերպության ներդրումը դպրոցական տարիքի երեխաների, երիտասարդների և մեծահասակների շրջանում ուկրաիններեն լեզվի ուսուցման մեջ, առաջարկվում է Երևանի Փ.Բուզանդի փողոցի հ.1/3 հասցեում գտնվող շենքի 4-րդ հարկի 36.9քմ մակերեսով տարածքի անհատույց օգտագործման իրավունքի ժամկետը երկարացնել ևս 2 տարի ժամկետով:

Հաշվի առնելով այն հանգամանքը, որ <<Հանրային կապերի և տեղեկատվության կենտրոն>> պետական ոչ առևտրային կազմակերպության աշխատանքային պայմանների ապահովումն անմիջականորեն նպաստում է ազգային համայնքների գործունեության ակտիվացմանը՝ ուղղված ազգային մշակույթի, լեզվի պահպանմանն ու զարգացմանը, ինչպես նաև Հայաստանի Հանրապետության նախագահի օգնականի գրությունը, կազմակերպության աշխատանքներն արդյունավետ կազմակերպելու նպատակով առաջարկվում է Փ. Բուզանդի փողոցի հ.1/3 հասցեում 4-րդ հարկի 33.5քմ մակերեսով տարածքի անհատույց օգտագործման իրավունքի ժամկետը երկարացնել ևս 2 տարի ժամկետով:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

<< ԵՐԵՎԱՆ ՔԱՂԱՔԻ ԱՎԱԳԱՆՈՒ 2011 ԹՎԱԿԱՆԻ ՄԱՅԻՄԻ 6-Ի Հ. 232-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ >> ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ՈՐՈՇՈՒՄՆԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ

«Երևան քաղաքի ավագանու 2011 թվականի մայիսի 6-ի հ.232-Ա որոշման մեջ փոփոխություններ կատարելու մասին» Երևանի քաղաքի ավագանու որոշման ընդունման առնչությամբ առաջանում է Երևանի քաղաքապետի 2011 թվականի մայիսի 24-ի հ.հ.2059-Ա, 2060-Ա և 2061-Ա որոշումների մեջ փոփոխություններ կատարելու մասին Երևանի քաղաքապետի որոշում կայացնելու անհրաժեշտություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

ՏԵՂԵԿԱՆՔ

<< ԵՐԵՎԱՆ ՔԱՂԱՔԻ ԱՎԱԳԱՆՈՒ 2011 ԹՎԱԿԱՆԻ ՄԱՅԻՄԻ 5-Ի Հ. 232-Ա ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ >> ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ

«Երևան քաղաքի ավագանու 2011 թվականի մայիսի 6-ի հ.232-Ա որոշման մեջ փոփոխություններ կատարելու մասին» որոշման ընդունման կապակցությամբ Երևան համայնքի բյուջեի եկամուտներում և ծախսերում փոփոխություններ չեն սպասվում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ